

宋

會

要

全唐文

續會要

興降良十二

嘉定六年八月二日知鎮江府俞應符放罷以臣僚言其比知寧國託名修城多破官錢先有是命既而監察御史倪千里復言其守京口苛刻聚斂乞褫祕閣修撰職名四日魏大有改知荆門軍指揮寢罷且與祠祿以臣僚言大有氣貌麤俗舉止踈狂必無和平之政十四日前知常德府趙師堊降一官知常德府鮑粹然降一官放罷先是知常德府鮑粹然申師堊前任妄支錢物貪黷可見既而給事中曾從龍復言見任知府鮑粹然以交承之誼持告訐之私其間張皇失實先有是

命既而湖北提舉尤桼復言粹然故意滅裂不肯從秤  
提約束昨妄申前政以為得計輕視監司很愎詔粹然  
更降兩官 二十四日新改知永康軍薛紱新知興國  
軍丁大橋新知融州翟昉並與祠祿以右諫議大夫鄭  
昭先言紱輕儆不靖簞鼓是非大橋貪鄙很愎寅緣媒  
進昉氣習膏粱見謂庸懦 二十六日新知南外宗正  
事趙善慈罷新任趙彥珙與宮觀以殿中侍御史石宗  
萬言善慈為桂林日盡刷官庫金打造刻漏三副遣遺  
權姦貪相及蘇師旦下政彥珙居鄉龍斷居官貪鄙  
九月一日王駒差知盱眙軍指揮寢罷以給事中曾從  
龍言其入仕以來屢汙白簡 十一日知隆慶府張子

里新知隆慶府楊仲修並與祠祿以監察御史黃序言  
子里曩為筠州通判侵權撓政賄賂公行仲修愚闇不  
才臨事踈繆 閏九月十七日陳士廉差知容州指揮  
寢罷以臣僚言其素乏行檢士論不容 二十三日  
前江陵府副都統制雍政追還轉兩官以殿中侍御史石  
宗萬言政元係秉義郎因除江陵軍帥照例轉修武郎  
政貪刻工負朝廷而所與之官宜宜虛辱故有是命  
十月五日新知興化軍葉嗣昌降兩官罷新任以監察  
御史黃序言其葬父母不從儀制娶妻棄之空房與弟  
爭財至於經郡 二十二日提舉福建市舶趙不熄更  
降一官先因臣僚言其多抽番舶抄籍誣告得旨降兩

官放罷既而給事中曾從龍復乞更行鐫降永不得與  
監司郡守差遣 二十六日吳機更降一官先是江西

運判趙崇憲言其知吉州日夏稅冬苗多取於民收換  
官會反為民害得旨放罷既而中書舍人董居誼復言  
機採之物議猶以為輕乞更與鐫降 十二月二十七

日江東提刑葛嶠與宮觀以臣僚言其行部之日不務  
澄清風采披靡 二十九日潼川運判樊士迪知安慶

府張嗣古並罷以僚僚言士迪前守嘉定輸納取贏類  
試受囑嗣古權臣之甥佚罰得郡同日直祕閣知夔州

鮮于申之放罷以臣僚言其自至夔門專事貪暴 七

年正月六日知衡州胡坦與宮觀知融州盧炳放罷以

監察御史黃序言坦昏愚懦弱炳兇很姦貪 同日新  
知鬱林州趙粹夫罷新任以監察御史倪千里言其素  
行亡狀貪心益肆巧圖躡取 二十一日直祕閣施宿  
罷職與祠祿以中書舍人范之柔言其昨任淮東運判  
刻剝亭戶規圖出剝以濟其私 二月二日知寧國府  
趙善宣放罷以監察御史倪千里言其素無才術且乏  
廉稱 十四日知巴川蹇似之放罷以其結納逆賊交  
通夷酋從利路提刑楊燾請也 二十八日前知揚州  
趙師石轉官指揮寢罷福建運判費培與宮觀理作自  
陳以待御史石宗萬言師石比帥維楊略無施設刻剝  
軍人邊事曾不講究培頃將漕淮右刷具不當催理之

久立限急如星火一路騷然

二十九日俞灝新除湖

北提舉指揮寢罷與祠祿權發遣和州陸峻放罷以右  
正言應堃言灝昏老繆庸殊乏風采峻性本貪狠外飾

儉素 三月一日知南康軍魏寶先放罷新知南康軍

陳模與祠祿以監察御史黃序言寶先苛刻重征交通

關節模依附貪相徑由學館濫叨郡紱 八日淮東提

舉謝周卿放罷以監察御史倪千里言其假守黃州帑

藏充盈妄用無藝 十三日摧鋒軍統制陰明放罷以

其御軍無律退縮怯懦不能任事從知廣州洪佛請也

二十五日權發遣高郵軍應懋之與宮觀理作自陳

以本軍城壁樓櫓鈞橋損壞牒本軍計料顧乃貌然相

視從知楊州崔與之請也 二十七日知贛州王涯與  
宮觀以待御史石宗萬言其才術駟儉一意招歛 四  
月六日張澤差宮觀指揮寢罷以監察御史倪千里言  
其佞冒擅權黃緣姻黨躡居諫長佞冒既敗乃僅黜職  
罰祠今又巧於經營再畀祠廩故有是命 同日孟猷  
王庭芝並罷宮觀以監察御史黃序言二人皆以貪婪  
致富得罪公議 八日知安豐軍郭紹彭放罷以監察  
御史倪千里言其才望素輕牧御無術 同日新浙西  
安撫司參議官方桷降一官罷新任以監察御史黃序  
言其頃守連州郡政廢弛 三十日將作監丞新添差  
通判太平州周槩放罷以右正言應璩言其齷齪無取



經營薦進

五月十七日知信州趙不撫降一官放罷

以其一意聚斂蠹國害民從江東提刑王益祥請也既而諸司論列復詔更降一官 二十七日新知常德府勾廷永新知循州陳擇並罷新任以右諫議大夫鄭昭先言廷永叨入宣幕憑藉聲焰藐視同列擇一意招飲以自封殖 六月十一日知藤州楊炎正與宮觀以其不申鹽額營私自便嘗除掌故司直遭論缺望從廣西運判陳孔碩請也 七月五日知潯州蕭天與知廬州呂知柔並放罷以監察御史黃序言天與科買並不償直違法擾民非一知柔交通關節賄賂公行 同日新

知綿州郭公燮罷新任以監察御史倪千里言識趣既

卑侵盜無藝 八月二日知嘉定府洪偁與祠祿新知  
重慶府劉光新知隆慶府何友諒並罷新任以監察御  
史黃序言偁性根貪鄙前任重慶凡事任情光老並貪  
殘比守忠州賦汙狼籍友諒心術傾險昨知忠州政出  
一切 九日新知廣州趙善質新知容州史天錫並與  
宮觀理作自陳以善質比守昭州尤無善狀旋玷臺評  
天錫昨守安豐姦狀益著劾章可覆從廣西諸司申請  
也 十三日趙善認罷宮觀以禮部尚書兼給事中曾  
從龍言其持節廣東賄貨媚姦更化以來奉祠家居可  
謂漏網故也 同日江公亮罷宮觀以禮部尚書兼給  
事中曾從龍言其臨川之政碌碌無聞百姓王蒙者苦

於兌會折閱拆開提舉司申省文字以撫州兌會實價  
書於其後朝廷行下根究而公亮任情徇私 九月二  
十七日知賓州趙師愚知郴州張仲舒並放罷以殿中  
侍御史應堃言師愚為倖江州非法科敷仲舒向知澧  
州欺罔侵盜 二十八日新知江陰軍王子洙新知興  
國軍吳玠並與祠祿理作自陳以右正言黃序言子洙  
起廢而得澄江需索迂從必欲豐侈行吏職登第一意  
趨媚不忘故態 十月六日湖南提刑張聲道放罷別  
與待闕州郡差遣以監察御史倪千里言其起廢得知  
永州有大辟阿易公事翻異聲道自本州持憲節更不  
避嫌倚權妄作 同日知夔州樂章降一官放罷以監

察御史李楠言其向將指湖湘並無善狀曲庇周司戶  
狎妓侵盜官庫錢米事 十一月三日新知嘉定府劉  
參政罷以監察御史李楠言其任敘州日聘女市銀以  
重秤而多取墾歸舊城僥覲勞賞 八日趙不懷罷祠  
祿不熄不撫候依條該敘官日各展一期敘以監察御  
史倪千里言其三人者剝削民財盜竊公帑充斥私家  
如出一律故有是命 十二月十六日新差知蓬州王  
文孫特降一官以其任金州通判全不體念朝廷驅磨  
遮角公然違慢從利州路轉運判官任處厚請也 十  
八日葉宗魯知筠州指揮寢罷與祠祿理作自陳以禮  
部尚書兼給事中曾從龍言其持節淮東席捲監課以

實囊橐物論至今不已 二十八日江東提刑王益祥  
放罷以監察御史李楠言其以鄉曲攀陳自強之援以  
姦回逢佞胄之惡荐更麾節殊廉之稱 同日林行可  
罷宮觀陳乞奏薦指揮寢罷以臣僚言曩者公論謂權  
姦之罪成之於終者行可是也而竄責獨得善地量移  
獨先衆人未幾放還便謀敘復故有是命 八年正月  
九日新知汀州周章罷新任知房州廖視放罷以臣僚  
言章前任廣南市舶番商到岸以納事例多者為先就  
陞庚節昏繆貪婪視到郡之初多令私僕販運紗布貪  
汙酷毒 十五日鄂州都統制王益降三官放罷以臣  
僚言其軍政不修貨利是殖 二十八日新知金州張

孝忠新知融州趙崇祉並罷新任以殿中侍御史應盛  
言孝忠向為京西運判所為不法再玷臺評崇祉頃以  
苞苴交結權臣驟得典郡先有是命既而監察御史李  
楠復言崇祉所為貪橫畧無忌憚尋詔更降一官 二  
月三日知慶州李廷忠放罷以監察御史劉棠言其為  
夔漕日虛破官錢專委書司招納賄賂 同日知肇慶  
府趙彥越放罷以監察御史李楠言其貪黷益甚專任  
吏魁剋剥平民 三月二日知贛州王柵放罷以監察  
御史李楠言其起牧大邦投老益昏縱容館客親戚交  
通關節 四日李沐罷宮觀以監察御史劉棠言其懷  
私罔上朋邪害正為佞宵膺犬誣詆汝愚 二十八日

提舉廣南市舶林迪放罷以臣僚言權臣貪相用事迪  
為奔走 四月三日知臨江軍孟導與宮觀新知萬州  
虞剛簡罷新任以臣僚言導好貨慘刻剛簡悖禮傷教  
九日陳鈞知撫州指揮寢罷以中書舍人任希夷言  
其屢經彈劾于進不已 十一日顯謨閣直學士提舉  
隆興府王隆萬壽宮謝源明特贈四官依條與致仕遺  
表恩澤指揮寢罷以禮部兼給事中曾從龍言更化之  
初言者首論其罪與高文虎同科文虎贈官遺澤已為  
臣僚論駁今源明幸終牖下豈容復冒濫恩故也 十  
二日曾梟差宮觀指揮寢罷先是梟自陳得祠既而兼  
給事中曾從龍論駁故有是命 二十五日知真州龔

維蕃降一官別與待闕州郡差遣以淮東提舉吳罔言  
真州城外居民遺漏維蕃措置無術 二十六日新辟  
差知成州樂繼宗罷新任以臣僚言其貪酷之號已播  
遐邇垂老之年豈足倚伏 五月四日陳邕罷宮觀以  
監察御史李楠言其逆曦之變捧頭鼠竄公朝未忍遽  
弄畀以祠祿邕不知義命經營規進先有是命既而湖  
南安撫使安丙復言邕冒法犯禁贖貨殺人乞將邕移  
徙他州尋詔令潭州將邕移徙袁州居住 六月十一  
日新知徽州林琰罷新任與宮觀以江東運副真德秀  
言其昔為臺諫容子壻請囑 二十日知新州張幼厚  
放罷以廣東諸司言其貪鄙老繆縱其子興販蜜蠟取



兵官之少妾 二十八日新潼川運判張鈞知邛州韓  
子庚並放罷以左司諫黃序言鈞因峽中敗舟掩取諸  
商附帶之貨運判張師夔以憂去鈞亟取牌印陰有經  
營易節之意今果有此除子庚專事酷虐斷決任私  
七月二日王容新差提舉江州太平興國宮指揮寢罷  
以監察御史劉棠言其毀訾正人以媚權姦 二十七  
日提舉臨安府洞霄宮李璧降三官罷宮觀前起居郎  
李直更降兩官以殿中侍御史黃序言璧權臣腹心罪  
惡貫盈錫秩謫居未幾自便復官奉祠遂為全人直乃  
璧之親弟其友復傾險大率相似 八月二日新知武  
崗軍丁大同罷新任以監察御史劉棠言其癡騷貪黷

資厯亦未應格 九月二十三日知廣州洪及放罷以

監察御史劉棠言其前任廣帥攔截蕃舶脅取民財

同日知婺州林拱辰知湖州林岳並與宮觀理作自陳

以臣僚言拱辰每每卧病間一出廳岳輕脫無郡守氣

象 二十五日知德安府趙希混放罷以知江陵府趙

方言其和糴米斛而用市斛大量出剝羸落糴本掩為

已有 二十八日楊柄罷宮觀以殿中侍御史黃序言

其當權臣用事趨媚無耻更化以來一時阿附之人悉

從竄斥獨炳漏網故有是命 十月八日知彭州李杞

前知榮州杜沂孫並放罷以四川安撫制置使董居誼

言杞齒髮既老施為舛繆沂孫以鄙猥之資行委靡之

政 九日新知袁州尤棐罷新任與宮觀以監察御史  
李楠言其昨守衡陽恣意迎逢監司以違責譴黃緣得  
節風采蔑聞 同日知汀州新除刑部郎中鮑澣之與  
宮觀理作自陳以福建運判俞建言其稱提榷券奉行  
滅裂百事廢弛全無紀綱 二十七日知澧州劉燧降  
兩官放罷新知歸州陳士表罷新任以右諫議大夫陳  
並言燧與通判陳士表不和於其既去搜抉其短具申  
朝省必欲快一己之私燧嘗為畢再遇上客再遇狠戾  
暴虐專殺作威皆燧助成士表昨為澧州倅日與燧不  
和乃不能遠避形迹故有是命 二十九日新知鄧州  
郭贊罷新任新知邵州唐吉先與祠祿以殿中侍御史

黃序言賈頊守德慶推剝虐取繼叨憲節蓋甚於前吉  
先由學官而丞寺監遷祕書郎乃以不得三丞為恨大  
肆怨望得次邵陵已有薄淮陽之意 十一月八日知  
普州虞方簡新知普州郭光選並放罷以監察御史李  
楠言方簡所為乖繆兜攬關節光選知榮州日薦剋皆  
有定價縱子弟交通關節 同日徐宏王益祥並罷官  
觀以監察御史李楠言宏凡所居官惟貨是殖益祥阿  
事權姦蹤登顯達 二十九日淮南運判王大昌放罷  
以殿中侍御史黃序言淮東漕臺實兼司臬責任匪輕  
以大昌庸繆豈能勝任 十二三日知瓊州趙遵夫  
放罷以監察御史劉崇言其自以去天益遠肆為貪汙

愈無顧藉 五日知成州高遠放罷前知眉州勾龍叔

恭罷宮觀仍各追三官故奉毛揆思澤特追毀元補文

字以四川安撫制置使董居誼言遠舊為逆曦環衛受

恩最深事敗之後黃緣漏網叔恭昨守眉州一閫僭偽

附和恐後午不恤大義逆曦之變竟受偽命之宣已而

身亡乃叨思澤及其子聞者皆為不平故有足命 三

十日新知湖州趙伯檜罷新任前知廣州洪伋褫職以

右諫議大夫應莖言伯檜貪鄙輕佻伋貪汙淫濫 九

年正月九日知肇慶府趙彥柵知南恩州孫次韶並放

罷以監察御史李楠言彥柵劾賣官紙痛革私酤利孔

無遺殘民特甚次韶年事已高懦巽無立 同日魯頤

趙不熄葉嗣昌並罷宮觀以監察御史劉棠言願人品庸俗苟且亡趾不熄性習貪鄙嗜利無厭嗣昌狼籍之狀具在白簡 二十五日權發遣均州徐夢龍與祠祿以京西安撫儲用言其受才迂僻臨事乖踈希賞繕修專事科歛防托江西殆類兒戲 二月二日權發遣寧國府張忠恕與宮觀以江東運副真德秀言其囊寸靈川汙穢無檢為憲臣所劾及來宛陵貪恣益甚 二十九日權知廣安軍李中孚與宮觀理作自陳以潼川提刑魏了翁言其精神昏憤受成吏胥賤盜肆行 三月二日知靖州歐陽伋放罷以監察御史劉棠言其不足以膺牧養之寄 十四日知房州劉無欲放罷與祠祿

以京西儲司言其近攝郢州供帳什物必欲依正官應辦無不被擾今付以專城之寄民寃何訴十五日江州副統李謙放罷以臣僚言其馳私書其子弟公行請託故有是命先是檢詳諸房文字葛洪申準省劄差充呈試清彊官已遵稟前去監試中途忽有投下李謙劄子啟封乃是計囑其子該呈試人李溥泳淮三人合行繳申尋詔特降兩官同日徐瑄差知寧國府指揮寢罷與待闕小郡差遣以兼給事中范之柔言其為郎憲部用心深刻遇事褊躁故也四月十九日鎮江都統制馮榘特降一官權統領官王明特降三資權正將王錡胡涇各特降兩官資皆坐失鈴束官兵陳彥王用蔡

青孫旺四人盜取百姓錢物作過從兵部侍郎兼中書  
舍人石宗萬請也 二十七日新知臨江軍丁大椿與  
宮觀理作自陳兼中書舍人任希夷言其貪鄙狼愎愴  
不更事故也 二十八日知涪州楊炎震放罷以殿中  
侍御史黃序言其內虧孝行外著貪聲 同日知處州  
趙筠夫與宮觀以右諫議大夫應正言其出守括蒼謬政  
百出褻刻聚歛民訟不決 五月六日新知賓州馬瑛  
罷新任以監察御史劉棠言其行以不顧廉隅當官惟  
務貪刻 二十二日知信陽軍趙善培特降一官以京  
湖制置趙方言其不能區處歸附人安業致有逃竄  
六月二十一日知廣德軍魏峴與宮觀先是知廣德軍



魏峴言本軍教授林庠不職得旨放罷既而江東運副  
真德秀復言乞將臣併賜鐫斥以懲差委失當之罪臣  
見今待罪尋詔真德秀無罪可待魏峴與宮觀 閏七  
月二日新知嘉定府袁柵改差知重慶府指揮寢罷以  
監察御史李楠言其闡茸貪殘 五日利州副都統制  
王守中特降一官以為將帥掊剝不職從兵部侍郎兼  
中書舍人石宗萬請也 八日知徽州詹阜民與宮觀  
以淮東總領所言徽州乞倚閣去年未解錢米及點檢  
得所申賑濟錢米帳狀並是恣為欺弊 二十一日知  
沅州劉公亮放罷以其措置無策防守不嚴致僭人乘  
間劫殺難以存留在任從知江陵府趙方請也 二十

四日知簡州梁公明放罷以簡州顯惠神君誕辰士民  
從年例獻樂至黃昏有雨遊人爭過浮橋以致橋船損  
壞溺死人衆守臣梁公明不能禁約何以逃罪從成都  
提刑周居信知成都府董居誼請也 二十六日知饒  
州林潔已放罷以殿中侍御史黃序言其茲守鄱陽不  
聞善政但根括諸邑財賦利孔無遺 八月二日新知  
常德府林良罷新任以監察御史李楠言其試郡而謬  
監隨見居鄉而橫肆貪殘 十八日知容州鄭光展二  
年磨勘以靈山縣令高涯權北流縣令張次良違法科  
擾有恃而然已將鄭光責罰從知靜江府趙崇憲請也  
九月四日前江東提舉李道傳與四川州郡監司差

遣以監察御史李楠言其持節庾臺講行荒政動輒糾  
謬昧於體國 二十七日知嘉興府鄭元鼎與祠祿理  
作自陳通判嘉興府趙師雍放罷以殿中侍御史黃序  
言元鼎詞訟積壓財賦失陷師雍多詐不情接受關節  
十月三十日知紹興府葉萼放罷以殿中侍御史黃  
序言其老而且繆郡事廢弛 同日知通州趙贊夫放  
罷李 別與待闕州郡指揮寢罷以右正言李楠言贊  
夫輕擢馴僇嗜進無耻 設心傾險所為苟賤 十一  
月九日知湖州林大章放罷以監察御史盛章言其外  
示深沉中實貪鄙出守潮陽肆行無忌 十二月十四  
日謝廷玉丁大椿鄭擢並罷宮觀以監察御史劉棠言

廷玉四經鐫斥大椿三被論斥擢七汙白簡各不悔改  
同日知襄陽府儲用與宮觀理作自陳以監察御史  
盛章言其弈棋廢事飲酒自娛 二十七日新知泰州  
李駿知安豐軍孫涇並被罷以殿中侍御史李楠言駿  
比守盱眙築城一事略不介意給降錢米輒擅移侵涇  
自以習知疆場願乘極邊一障而初無規畫氣餒多惧  
十年正月二十三日知英德府趙師嶠放罷更降一  
官先是廣東提刑陳光祖言其克狼貪婪一切不恤既  
而兼權中書舍人黃宜復言其狼籍滋甚無復悔改  
二十四日徐宏差官觀指揮寢罷以兼中書舍人莊夏  
言其挾權妄作威福凡所彈擊率快私怨 二十八日

知西外宗正事趙汝厦放罷以右正言劉棠言其為郎  
領錢穀之任昏懵無以稽考為監止於勸課工程亦漫  
不加省 同日廣西提刑劉湛之召赴行在指揮寢罷  
以殿中侍御史李楠言其鄙陋無長貪婪好貨持節廣  
右州縣被害 二十九日新知忠州蔣孝聿罷新任以  
殿中侍御史李楠言其氣習膏粱留情聲色慵惰不立  
妄誕為欺 二月二十一日江州副都統制張威降一  
官放罷以臣僚言其專務姦貪剋剝戰士忌嫉偏裨  
三月二十三日都大提點坑冶章株降一官放罷以監  
察御史李安行言其湖南運判日與帥臣安丙嫌隙因  
以公事互有奏陳 四月二日前淮東提舉吳困放罷

王益祥宮觀指揮寢罷以監察御史李安行言因內則失於闕茸弛縱外則好於苞苴結託益祥稟資回邪素行貪黷二十五日湖南提刑孫杓赴行在奏事指揮寢罷以右諫議大夫黃序言其出守漢陽席捲賊贓假節湖南愈無顧忌二十六日新知珍州卑嶧與祠祿以兼給事中任希夷言其嘗守威州貪黷無厭今復任守珍豈不生事五月二日知廬州趙仲夫落職罷宮觀先是兼權中書舍人莊夏言近者浮光告急制司就近撥合肥之兵以援浮光趙仲夫畏懦退縮占護不發乞寢宮觀仍更鑄降既而殿中侍御史李楠復言仲夫立志不彊臨事不武故有是命四日廣東市舶提舉

陳穎放罷以監察御史盛章言其賦性貪婪老而益甚  
同日廣東提刑陳光祖放罷以監察御史李安行言其  
守英德惟有貪酷守邕州殊乏綏懷既叨憲節富民訴  
母母被逐出絕滅天理 十三日知嘉定府王駒與官  
觀理作自陳以其用刑慘酷長惡不悛受賂鬻獄侵用  
官錢從成都提刑周居信請也 十九日知黔州李整  
放罷永不與州郡差遣以其貪叨傲慢毒害于民從夔  
路安撫朱著運判楊九鼎請也 二十二日淮南運判  
高行簡知真州洪思並與官觀理作自陳以行簡久任  
澄清不聞米德識見卑猥惟事遊宴從江淮制置使李  
珣請也 二十九日知漳州張聲道與祠祿主管建寧

府武夷山沖佑觀胡柒罷宮觀以殿中侍御史李楠言  
柒作守臨漳繆而且貪聲道繼之貪殘益甚 同日新  
知廣安軍唐大椿與祠祿以右正言劉崇言其姦憎恠  
僻 六月七日趙崇規差知汀州指揮寢罷仍舊宮觀  
理作自陳以兼權中書舍人莊夏言其守湖州日寵妾  
專權交通關節 二十三日知韶州曾崇前知封州葉  
桂並放罷內葉桂特降一官以崇心術陰險專務刻剥  
桂貪婪結托滅公恣私從廣東提舉趙伯鳳請也 七  
月十一日謝周卿差知蘄州指揮寢罷以兼權中書舍  
人莊夏言其一意聚斂以豐囊橐 十九日林琰罷宮  
觀以兼權中書舍人莊夏言其為臺諫倚勢作威容子



壻交通關節 八月四日建武軍節度使王喜罷宮觀  
以兼給事中任希夷言其奉祠居家凌侮軍帥 九月  
二十七日前知階州王大椿降兩官永不得與祠祿及  
州郡兵官等差遣以右諫議大夫黃序言其躡綰郡符  
聽軍人郭偉妄言提轄官王握劉顯祖謀亂不由推問  
登時誅戮如杜氏一門被禍尤慘 二十九日前江州  
副都統制李謙特降三官送邵武軍居住以臣僚言其  
肆為貪墨用意乖繆先有是命既而給事中任希夷又  
言謙造言惑眾具見前後論疏復詔特追三官送漳州  
居住 十一月二日起復知西和州張或放罷以臣僚  
言其考校徇私貪黷無止 五日新知建昌軍楊圭罷

新任以監察御史李安行言其亮險貪叨得倖合肥凌  
忽帥守 二十二日方桶罷宮觀以兼權中書舍人莊  
夏言其嘗守連山席捲郡帑以舉削分授婦人尋有降  
官罷新任之命朝廷行下覈實遷延未正其罪不可使  
之端坐而受厚祿故也 二十八日前知漳州林大章  
罷宮觀以殿中侍御史李楠言其昨守潮低價糴軍糧  
高價折納密報按罷計會郵傳遲行劄到而帑庾罄矣  
積賄既多不當更竊祠廩 十二月二日前知潼川府  
劉光祖前知遂寧府許奕各降一官以監察御史盛章  
言此二人牒試冒濫 八日知常德府虞易簡放罷以  
其挈累遊桃川復迂道訪醫出城十日而歸府印但留

空室中從湖北運判張忠恕請也 二十七日雅州趙

彥呐降一官放罷以殿中侍御史李楠言其墮巖畚畝

計砂平大肆忿毒焚禁門掠貨貨虜寨官殺兵丁實為

厲階 二十八日知象州林顥放罷以右正言劉棠言

其貪猥無耻 十一日正月二十四日通判嘉定府賓

裔放罷以殿中侍御史李楠言其暫攝州麾公行貪黷

二月二日李 罷宮觀以監察御史盛章言其作邑

分符叨除列院俱遭罷斥 同日新知臨江軍趙不撫

罷新任與宮觀以監察御史李安行言其所至貪酷聚

斂 五日劉奎令赴行在奏事指揮寢罷以監察御史

蔡闕言其慘酷貪黷 二十四日知道州龔維蕃新知

道州林至並與祠祿以右諫議大夫黃序言維蕃碌碌  
凡才傾險貪婪二十六日前福建運司主管文字韓  
括特降一官放罷以其乘前漕臣魏大中艱棘去官之  
後將簽廳擬斷公事偽作大中押字書判從行名件不  
一從漕臣趙彥傑請也四月二十七日廖視再與祠  
祿以殿中侍御史李楠言其好賄淫刑祝釐周歲亟造  
京畿以僥倖仕五月六日方信孺別與州郡差遣指  
揮寢罷仍降兩官以兼給事中任希夷言其舉措乖方  
輕率妄作八日知南恩州翟昉放罷以其賄賂公行  
公帑赤立從廣東運判楊宜中請也十二日知賓州  
李耆尚監石縣令宇文之寅並放罷皆坐造橋園莽以

致溺死人命從成都提刑丁必稱請也

十三日新知

蓬州費昌運罷新任以其作守太安軍盜用錢米掩為

已有從利路運判鄒孟卿請也

十六日辟差知天水

軍黃炎孫降兩官放罷以臣僚言其捐弃官守偷生誤

事先有是命既而中書舍人黃宜又言乞將炎孫重賜

追奪屏之遠方復詔特追三官送辰州居住 十七日

劉先差宮觀指揮寢罷以書書舍人莊夏言其當官貪

暴居鄉恣橫 二十八日趙善培褫職依舊宮觀以右

諫議大夫黃序言其分閫既無勲業之著聞易地又乏

方畧之可展布 六月五日 新政知處州呂祖平與祠

祿以監察御史盛章言其屢試郡符並無善狀 七月

三日成都運判梁綸特降兩官昨降與待闕州郡差遣  
指揮寢罷以兼給事中任希夷言其輕信浮言妄自驚  
擾 十二日知潼川府許奕興宮觀成都提刑丁必稱  
放罷以侍御史李楠言薦闕大散阜郊之擾西和成州  
之變不究虛實輒以上聞 二十九日知雷州毛當特  
放罷以右正言李安行言其稟性無常奉道行法淫刑  
濫罰所不忍聞海商得志規盜紛然 同日知吉州鄭  
寅與祠祿以左司諫盛章言其氣習膏粱政由內出訟  
之黑白以賄變遷 八月七日前知濠州趙伯熊赴行  
在奏事指揮寢罷以監察御史王夢龍言其宴安自封  
沈湎無度 二十六日前知黃州謝汲古今赴行在奏

事指揮寢罷以侍御史李棟言其行污姦淫苟賤無恥  
二十九日新除廣東提刑趙伯鳳與宮觀理作自陳  
以中書舍人莊夏言其一意聚斂不恤民怨 九月十  
九日知澧州張革放罷以監察御史蔡闢言其向守高  
沙政以賄成 二十六日新監鄂州戶部糧料院趙善  
恭與官慢差遣以其祇官不申總司徑在江州界借印  
交割不安分守邈視其長從湖廣總領基金請也 十  
月二日知光化軍潘景伯令赴行在奏事指揮寢罷鄂  
州中軍統制司儀降三官送金州居住以左司諫盛章  
言景伯材術不足以備器使威望不足以壓衆志儀軍  
政不嚴輕犯紀律 二十六日葉嗣昌差宮觀指揮寢

罷以中書舍人莊夏言其居家則不孝其親不友其弟  
當官則交通關節賄賂公行 十一月八日知西和州  
楊克家特追三官送道居住知成州羅仲甲降三官送  
常德府居住二人皆坐弃城逃竄之罪從四川制置使  
董居誼請也 十九日准西安撫司參議官陳璧與祠  
祿以監察御史王夢龍言其叨居議幕反謂淹回猖狂  
妄行招權納賄 二十二日新知邕州鄭肅與宮觀理  
作自陳以其守柳興藤疲庸無施受成吏于鹽課乖繆  
從廣西運判曾煥請也 十二月一日新改差知楊州  
應鈍之故罷以侍御史李楠言其在山陽規模不立紀  
律不嚴節制而人不稟承賞予而人不感悅 九日雄



勝統制侯汝楫更降兩官令江淮制置司送軍前自效  
以臣僚言其御軍則不知正身率下臨敵則不知捐軀  
報國 十五日知賓州聶溥特降一官放罷先是廣西  
經畧鄒應龍言其擅將本司差辟上林縣令姜大鈞按  
劾不顧分守尋詔特降一官既而廣西提刑吳純臣復  
言溥用刑慘甚復有是命 十二年正月二十一日新  
通判滁州趙師耀罷新任以監察御史蔡闢言其賦性  
貪婪濟以慘刻 二十九日知婺州趙懋夫放罷以右  
正言李安行言其職叨撫字譽乏廉平政尚苛刻民訟  
不決 同日知武岡軍林拱辰降一官放罷以侍御史  
李楠言居官則流毒郡邑在家則貽害鄉閭 三十日

新通判臨江軍趙彥伸罷新任以左司諫盛章言其卑  
褻貪叨爪成未及隔年索迂預借俸給 二月二十七  
日前四川制置使董居誼召赴行在指揮寢罷以侍御  
史李楠言其邊淮緝騷憎若不聞寇戎壓境搏手無策  
先有是命既而又言其出蜀掩公家之積以為已有橫  
斂虐取四蜀怨嗟錫官褫職嚴示懲戒雖祠祿亦未可  
輕畀尋詔特降三官仍落職 三月二十八日前知雷  
州毛當時放罷以方正言李安行言其收匿罷命治事  
自如茂視臺綱盡廢邦憲 閏三月二十八日新知常  
德府馮愉通判鎮江府黃士持各降一官放罷以臣僚  
言愉守閬州專以酒政虐民洎守左綿貪暴特甚士持

桀驁倚勢凌轢同列侵權撓政靡所不為 四月六日  
通判雷州石應孫放罷以守臣偶遭論罷應孫不候省  
劄及上司公文遂用通判印記權領州事縱悍僕干預  
郡事賄賂公行從廣西諸司請也 八日成都提刑周  
居信令赴行在奏事指揮放罷以監察御史蔡闢言其  
自拜召命遷延不行一聞邊事之急倉皇解印不忠之  
罪莫甚 九日知池州葉凱降一官放罷以監察御史  
王夢龍言其苛慘姦貪席捲惟意 二十七日前四川  
總領王鈞降三官昨降令赴行在奏事指揮寢罷以左  
司諫盛章言其任情徇己蠹國害民 五月二十九日  
前廣東提刑趙伯鳳降一官罷官觀以左司諫盛章言

易節憲臺後省繳駁潛匿省劄治事如故妄作威福僣然自如 六月十九日林岡韓仁甫韓信甫王驎王駒葉嗣昌葉嗣立各降一官內林岡服闋後未得參部放行注授王驎王駒葉嗣昌永不得與州郡差遣以右正言胡衛言岡乃祖洽之子身後遺澤分房之法岡無所預通父遺囑強母營求仁甫信甫戚里諸孫家廟貲產開墻分爭交訴天庭驎駒前後臣之子互訐閨門之私分納短卷嗣昌嗣立前執政之子弗顧手足之親累訟求勝十年弗已而嗣昌營私專利悖慢非一故有是命 二十日江淮制置使李珪候服闋日褫奪職名以右諫議大夫李楠言適踐虜寇邊付以重地既得邊報不

亟啟行邊延畏縮俟虜既退僅至維揚而返泗上之後  
實珏逼使損國威重啟狄輕心 二十六日權知英德  
府陸三省與祠祿新知英德府鄭湜罷新任以監察御  
史徐通年言三省竭澤苛征以自豐殂湜老繆貪叨屢  
經論罷 七月三日前四川制罷董居誼更降兩官送  
永州居住以魚給事中宣繒言其虜騎衝突倉皇無策  
我師失利乃用輕佻之人為將帥掊刻軍士以致潰散  
之卒反為虜人鄉道降官罷職罰未當罪故也 二十  
一日池州都統制武師道放罷以臣僚言其情而無知  
懦而不武豈足以勝總戎御衆之任 八月九日前通  
判盱眙軍尤燭罷祠祿以監察御史徐通年言其常時

節義自許俾貳邊郡就攝軍事顧乃見敵在前終日憂  
懼形於涕泣平居大言事至一籌莫措幾致誤國 二  
十七日新知惠州陳士元罷新任以右諫議大夫李楠  
言其居家恃強吞併結怨閭里在官貪汙狼藉流毒生  
民 二十八日新通判臨江軍趙善祿與祠祿以左司  
諫盛章言其試邑鉅山以科歛被按為屬浙漕以納賂  
抨彈泊倖黃州貪黷遭斥需次鄂州糧料別與閭閻差  
違豈可不為他日之慮 同日江州通判趙希惠新台  
州通判韓休卿並放罷以右正言胡銜言希惠令倖九  
江貪恣虐益甚休卿莅官所至率無聲稱 九月二十  
九日毛當時罷宮觀以左司諫盛章言其頃守雷州嘗

為臺臣論奏今居鄉邑長惡不悛 十月二十九日淮  
東提刑兼知揚州洪役別興州郡差遣以右正言胡衛  
言其自為譎張舉措失宜始至既已退縮稍久必誤國  
事 十一月五日前都大主管川秦茶馬監牧公事趙  
彥綰召赴行在指揮寢罷與宮觀理作自陳以監察御  
史徐龜年言以死損之馬支破價錢及都統司取馬動  
以無馬却之 十二日新廣西提刑万俟卨與宮觀理  
作自陳以監察御史徐龜年言苛刻峭深迹其歷任廣  
西敗績尤多 三十日新知桂陽軍左墓與祠祿以左  
司諫盛章言其為士之日干預邑政有左押祿之號及  
玷周行率多兜攬有左水功之名 十二月日新通判

常德府楊圭新通判郴州趙汝璫並罷新任以監察御史張次賢言二人者居家有醜行居官無善狀得倖名邦未厭公論二十三日新通判饒州徐習罷新任以殿中侍御史盛章言其頃倖永嘉大商漏舶乳香直以萬計所犯非輕二十五日前知瓊州楊炎正降一官罷宮觀知貴州陳士廉放罪以監察御史徐龜年言諸黎猖獗炎正撤兵不備羣黎大肆劫掠士廉專事欺誕賊首嘯聚本州副史何彬實為謀主士廉必欲出脫其罪竟從輕典十三年正月二十三日煥章閣學士太中大夫提舉南京鴻慶宮黃時若直寶謨閣主管亳州明道宮留元剛並褫職罷祠以殿中侍御史胡衛言時



若出帥西蜀貪汙狼籍今以西清奉真祠尚怏怏於炳  
用之弗及元剛嘗守永嘉惟務酣飲繼守章貢狂暴益  
著二月二日邵武軍通判施寅放罷通判婺州劉泳  
之罷新任以寅庸鄙貪黷連遭罷黜泳之貪叨聚斂亦  
遭按罷此二人豈可使貳名藩從監察御史徐龜年論  
列故也嘉定十三年二月十八日潼川運判程遇孫  
錫罷知遂寧府李壁與宮祠以殿中侍御史胡銜論程  
遇孫攝郡臨事逃遁壁被命已久既聞驚報不即赴郡  
且互申宣司一則失小臣之節一則失大臣之體私爭  
而緩國事故也二十七日王鈞降兩官送撫州居住  
以方正言王元春言董居誼王鈞姦貪誤國西蜀幾危

居誼既坐遷謫王鈞僅從錫罷同罪異罰人誰不疑故  
有是命同日江東提舉徐僑新知潮州危稹並罷免以  
僑僥倖通顯士論弗歸稹自登朝脅取錢物為正言王  
春論列元四月三日新知温州徐澄新知興化軍張擢  
並寢罷新命以監察御史羅相論澄筮仕以來俱無善  
狀擢動形怨望公肆譎張五日知湖州陳汶與宮觀  
理作自陳坐到官以來專於裏刻恣行慘虐為監察御  
史徐龜年論列二十六日新通判平江府林清之降  
一官放罷永不得與親民差遣湖州通判朱晞顏與祠  
祿以殿中侍御史胡衛言清之寄居湖州素號武斷適  
通判家子清之新治由是交訐日有造請晞顏以此施

於清之欲其報於他日

同日新知常德州劉學裘知

興國軍王潤孫並罷免永不得與知州軍差遣內劉學

裘降一官以左司諫王元春論列學裘人品猥下所至

賊汙潤孫久閑得壘急欲為姦又論學裘初任楚州寶

應縣絕無措置虜犯清河學裘宵遁邑民被誤未經行

遣 二十七日知廣州留恭默罷黜坐每過點舶恣行

假拾緣此舶舟稀少為方正言張次賢論列故也 六

月一日知循州周用亨罷黜以用亨身為郡守一切嗜

利以肆其欲為知廣州留恭按劾 十一日前知筠州

趙盛新知全州富嘉謀並罷黜以監察御史羅相言盛

席捲府庫捆載而歸嘉謀叢事權姦因茲驟用 七月

三日被召京西提舉蕭必簡與祠祿指揮寢罷以左司  
諫王元春言必簡不恤國事無補公家 十日漣水總  
轄忠義李先特派差福建兵馬鈐轄漳州駐劄指揮寢  
罷以其所役亡命叨竊官資專恣擅殺輒刊樞密院印  
偽稱聖旨擅行國書為臣僚彈奏 十九日前通判隆  
興府秦鎬降一官放罷以殿中侍御史胡衡論列鎬冒  
倖大藩需求遍於屬邑請謁逮於諸胥 九月二日新  
知常州蓋鈞罷新任降授朝請郎王駒降元秩以殿中  
侍御史胡衡論列鈞昨守滁陽修城虛破未加罪斥乃  
望陞擢駒蔑棄天倫僅降一階念咎不萌榮園方切同  
日江東提刑葛洪與宮觀理作自陳坐很愎自用妄作

威福為左司諫王元春論列 四日權發遣德安府趙  
湜與宮觀理作自陳以右正官張次賢言湜因兄淳嫔  
媚權姦僥倖邊郡倚仗委難 七日知江陵府趙綸降  
一官以監察御史方猷言其昨守信陽朝廷委以築城  
職事不謹 十九日知合州鄧公辰放罷以其民事郡  
政並不經意從潼川提刑曹敘遠論奏故也 二十四  
日權發遣蓬州李耆壽降兩官放罷以其貪饕如狼殘  
暴如虎不足以當二千石之寄從利路提刑楊師復論  
奏故也 十月一日新知撫州王庭芝罷黜以監察御  
史羅相論奏庭芝居鄉無善狀治郡乏廉聲 二十三  
日據知峽州吳衍與宮觀理作自陳以衍近得風疾書

押皆用木雕手記今既病發與吏為市湖北提刑趙綸  
論奏故也 十一月三日新知衡州袁申儒與宮觀理  
作自陳以左司諫王元春言劄符儀真絕無善狀 六  
日知太平州新除江東提刑陳貴譙與宮觀理作自陳  
以右正言張次賢論列為郡兩年無功可稱有過可指  
僥倖漏網尚可使之冒一路之節 十二月三日前知  
邕州鄭肅罷宮觀知昭州吳駟罷見任以監察御史羅  
相言肅守郡貪婪祠廩將滿出入修門期遂所求駟倍  
其鹽直抑配編民館客鄉人交通關節 八日知南安  
軍尚振英降一官先是振英乞祠詔與宮觀既而江西  
提刑留筠言其老懦昏暗臨事乖方故有是命 二十

一日新權知高州趙善宥罷新任以善宥寄居福州乾元寺縱其子汝位行打百姓王濟致死帖問不即伏辯且遷延欲為之任計為福建提刑朱端常按劾故也

二十七日知贛州柴中行罷黜以右正言張次賢言其託病全不出廳舉措狂率實駭聽聞二十八日知肇

慶府趙希閔通判趙希述各降一官放罷以左司諫王元春言其二人互申情犯故也二十九日通判海州

王邁罷黜仍送道州居住以淮東制置賈涉按劾其無尺寸之功獲非常之賞賂韋避事不畏簡書十四年

正月二十九日通判袁州蘇祐罷黜坐年事稟願受成吏手為江西提舉蕭舜咨論列故也二月五日新沿

海置制司參議官唐慤新嘉興府通判李仁方罷黜以  
監察御史羅相言慤生平蹟貨老益貪婪在鄉專肆把  
持恣為不法仁方飲宴天子苑園打傷園吏試邑分寧  
貪賤不卹 同日知光州陳孝嚴罷黜以監察御史方

猷言其自交郡符了無善狀大言無當每事乖繆 二

十九日廣東提舉吳季真罷黜前知建昌軍王衡仲罷  
祠祿以季真百端推剝嗜利無厭衡仲晚得一郡政以

賄成為殿中侍御史張攀按奏 四月四日湖北運判

魚知鄂州游九功與宮觀理作自陳權知興國軍陳球  
別與一等州郡差遣以言者論九功雖無顯過亦非真  
材徒自矜夸妄自標致球年事已高精神昏耄當此多



事恐亦非才 七日興化軍通判章伯奮罷黜徽州通判葉猷罷新任新興國軍通判韓休卿與祠祿以殿中侍衛使張攀言伯奮作軍福清姦貪狼籍猷止有一母仕宦所至未嘗奉親以行休卿以權姦親姪蚤緣改秩兄倖三郡治無善狀 二十一日知潯州憲罷黜永不得與親民差遣以憲叨綰郡符肆行貪墨為廣西運判沈實按奏 同日差知漢陽軍王驎別與差遣以湖廣總領何炳言驎倖辰陽政無善狀忽畀沔陽緩急誤事 同日饒州通判朱猷臣嚴州通判黃簡並罷黜以右正言張次賢言猷臣居官所至積有貪聲簡曩宰會稽政以賄成 七月三日新知洋州勾廷永罷新命以監

察御史方猷言廷永居官所至椎剝百姓傾陷同僚  
六日淮南運判兼知無為軍陳師文降一官放罷以殿  
中侍御史張攀言兩淮制司調發援兵餉餽取辦西漕  
師文恬不加意措置乖方 二十三日太中大夫李珣  
落職仍降一官王好生更追兩資送賓州羈管李任罷  
新任以珣性資狠愎志趣貪婪縱容其子內機李任屬  
官王好生專權擅政交通阼節從中書省檢會監察御  
史羅相之請也 二十七日追官人朝請大夫李澄特  
與敘一官差主管江州太平興國宮指揮寢罷以中書  
門下省言澄人品猥凡趨操卑下賸貨驕淫見諸白簡  
不與諸行錄黃故有是命 二十八日前知新州余琢

興宮觀理作自陳以琢凡所居官碌碌無聞為殿中侍御史張攀論列九月十五日主管華州雲臺觀魏大有主管建寧府武夷山冲佑觀黃渙主管建康府崇信觀趙伯熊主管台州崇道觀徐習並罷宮觀內魏大有令臨安府日下押歸本貫居住以監察御史方猷言大有近司憲事追擾州縣渙徒肆口吻專事劫持伯熊荒飲無度再玷風聞習昨倅永嘉每事操切又言大有遷居錢塘門外密伺朝廷冀投閑隙他日必為不靖故有是命十月二日淮南西路兵馬副都監安慶府駐劄揚溥放罷仍追兩官知安慶府陳伯震降一官以溥乘州郡之疑懼燒毀屋舍民居三千餘家生計一時煨燼

伯震郡守也豈可供蜀從淮西制置司申也 十四日  
知建昌軍汪楫放罷通判臨江軍周溥特降一官以楫  
貪不知止懦不能立溥嗜利無恥交通關節為江西提  
刑孫德輿論列 十一月六日徐宏復祕閣修撰主管  
建康府崇禧觀指揮仍俾奉祠祕閣修撰未與復職以  
宏心術傾險給事中程卓不與書讀錄黃故也 十二  
月七日知永康軍杜植特與宮觀以其愚蔽自用久病  
簡出繆政多端民被其害為知成都府崔與之論列故  
也 閏十二月五日新台州通判趙希閔罷新任以殿  
中侍御史張攀言其試邑衡陽虐政橫令民弗能堪  
六日前成都提刑江公亮與宮觀理作自陳以監察御

史方猷言公亮獲叨憲節怙勢妄作獄貨是寶輕重失  
當十五年二月三日新知德安府徐晞稷新知建昌  
軍范擇能並與祠祿以臣僚言晞稷專事誇誕殊無誠  
實擇能天資闊算人品凡康四日知湖州趙希蒼與  
宮觀理作自陳陳自明降一資罷新任以臣僚言希蒼  
因廣化寺遣漏株連蔓引勘究僧祖慶追逮寄居陳知  
鈇自明之婢其陳自明敢加抗辱豈非希蒼有以自取  
乞將希蒼畀祠其自明亦賜行遣以存州郡之體故有  
是命二十八日知石泉軍劉參知涪州胡酉仲並放  
罷新知合州安伯恕罷新任以四川宣撫崔與之言參  
貪婪深刻濟以駟僧酉仲兇很貪殘勇為不義伯恕輕

浮躁競濟以姦險 正月四日知封州薛賢放罷新知  
英德府陳紀罷新任以臣僚言賢民有作為之歌曰得  
毋凶書更不看公然匿服亞之官下車聚斂如行劫貪  
虐姦淫不一端紀守藤州日其郡多出白藤置局數買  
百姓作買藤歌有條條皆性命束束是冤魂之語故有  
是命 七日主管建康府案牘觀徐宏罷宮觀秘閣修  
撰柴中行落職罷宮觀以臣僚言宏資稟至下行誼尤  
虧中行心頗好利政以賂成 四月四日知梅州楊承  
祖知梧州方孺並罷黜以臣僚言承祖稟資貪婪操行  
傾險孺素無行檢專事刻剝 五月四日廣東經畧留  
筠與宮觀知南雄州陳士會罷黜以臣僚言筠居官所

至政以賄成士會外示質樸中實詭詐 六日虞易簡  
新差知永州指揮寢罷以其蜀人墳墓親黨在焉乃安  
居于都城故鄉之義安在中書省不與書讀錄黃故也

十七日漳州通判方灼罷見任新邵武軍通判唐棐  
罷新任漳州知錄許彥棐黜以臣僚論列灼出倅漳  
浦徇私忘公本州知錄許彥棐脫誤宗女之親曲為蓋  
庇竟成抑塞渠待次于寓居吳門黨庇小人攔占他人  
墓道彥棐隱下休妻一節詭脫宗親 二十一日權發  
遣賓州王邦寧降一官放罷以到官未久所為狂悖殊  
駭物聽取隨直兵級錢以供私用為臣僚論列 七月  
七日添差嘉興府通判謝直與祠祿理作自陳新福建

提舉茶司幹官葉嗣立罷新任海州教授黃更放罷以  
臣僚論論列直宴飲無節狎嫖官妓嗣立昔為帥幕圍  
已無狀庾臺贊畫豈容濫吹更娶海鹽蔡家寡婦常氏  
席捲其家財陵轢其妻好 二十五日張聲道知饒州  
指揮寢罷以其前知岳州謬戾殊甚無以服人為湖北  
運判李鼎論列 二十六日知温州王夢龍與宮觀理  
作自陳以臣僚論列夢龍領郡再歲殊乏良稱批政日  
傳公論籍籍 八月十日權知涪州胡自仲新差知南  
平軍杜簡各降一官前南平軍教授勾子甲降一資內  
杜聞罷新任勾子甲放罷先是四川制置使崔興之言  
自仲貪酷不法乞將罷黜詔從之既而本路提刑嚴提



舉虞剛簡論列而仲聞子甲三人皆以任根括之事刷  
錢入已故有是命 九月二日新知漢陽軍王抃新知  
桂陽軍曹傑罷新任以臣僚言漢陽桂陽皆係風寒之  
地抃輕儆不靖傑凶暴為虐恐致誤事 十月五日知  
興化軍陳興行罷黜新通判吉州史復祖罷新任以臣  
僚論列興行昨倖娶女暫攝郡事巧為名色席捲公帑  
復祖宰邑上元交通關節及倖豫章狼籍尤甚 九日  
新通判撫州施梈新通判温州曹黶並罷新任以臣僚  
論列梈曩倖邵陽長沙了無廉稱黶試邑淮甸紕政滋  
彰 十一月五日降授中大夫李珣復元官與宮觀指  
揮寢罷先是臺臣凡再上章珣服闋日僅從鐫褫至是

復元官與宮觀臣僚論其敗軍誤國大罪有三去秋方  
降錫褫之命甫及一年便與敘復幾于罰不傷其毫毛  
故有是命 十七日前知泉州宋均特降一官前兼權  
知南劍州趙崇亢知南劍州陳宓各特展二年磨勘以  
諸路提刑司比較各路州軍嘉定十四年分行使會價  
數內福建路泉州南劍州折閱最甚故有是命 十二  
月三日知建昌軍孫格與宮觀理作自陳以臣僚言格  
年事既高貪刻亡藝民被其毒怨咨滿路 九日新知  
邵州高之問新知全州曾絜並與宮觀理作自陳以之  
問絜鄙無庸見於顏面絜凡所居官畧無善狀為臣僚  
論列故也 十八日知建昌軍孫格罷宮觀新知峽州

鄭緝與宮觀理作自陳以言者論格志在貪求畧無畏  
愧緝嗜貨營私敢於殘黷先是臣僚論格與宮觀理作  
自陳故有是命 十六年正月二十二日通判福州鄭  
伯衍前通判澧州湯顯祖並與宮觀理作自陳以臣僚  
言伯衍性資跌宕舉措乖疎顯祖天性昏庸所為乖僻  
二月二十七日知崇慶府黃瑾與祠祿知漢州綿竹  
縣宇文景遷隆州籍縣令楊漢卿並放罷以成都提刑  
張方言僅禽鳥為娛荒怠郡政景遷性質佞躁習尚驕  
浮漢卿到官逾年茂無善狀 五月四日知岳州虞旂  
孫與川蜀州郡差遣知道州曹棠與宮觀以臣僚言旂  
孫累典名郡俱無善狀棠已玷臺評桀傲尤甚 六月

七日福建提刑馮多福與宮觀理作自陳以臣僚言多  
福身為監司不知奉法循理 八日廣東運判張從之  
廣東提刑陳疇並罷黜以臣僚言從之淺汙嗜利矜妄  
非材疇猥鄙殉賤庸懦不立 七月五日知黎州虞方  
簡知漢源縣韓圭各特降兩官放罷以方簡到任之初  
政事更張以激桀卒之變韓圭陰加縱吏從成都諸司  
之請也 同日廣東提舉周鎮罷黜以臣僚言鎮懦不  
任事且訥於言 七日權瓊州通判顏幾降三官機宜  
李播降三資並放罷以二人傾陷長官幾至召釁從廣  
西經畧胡槻之請也 八月三日新知彬州王驎新知  
永州郭繼道並與祠祿理作自陳以臣僚言驎歷任雖

多資考則淺繼道年齡寔高精神已耗 五日前通判  
泉州潘灝伯未許赴吏部參選仍不得干堂僥求差違  
前通判建昌軍新差知梅州趙汝誠罷新任以臣僚論  
列灝伯鄙惡之俗溢於面目貪酷之性恣行不悛汝誠  
在鄉素無行檢居官貪暴尤甚 七日新重慶府通判  
趙善錡新邛州通判賈子諱新知鎮江府金壇縣曾與  
並罷新任以三人居鄉不法無所忌憚為臣僚論列  
十二日知太平州王元春罷黜以江東安撫余燦言元  
春言無顧忌行素險薄家政不理醜穢彰聞 十九日  
新知漢州何友諒與祠祿以四川制置崔與之言黎州  
禁軍之變已將知郡虞方簡按劾去訖尋行體訪緣前

知黎州何友諒垂滿之際給帖補排軍五六十人失之  
太濫方簡到官悉拘收文帖又失之太遽此曹包羞懷  
忿變所由生故有是命 二十四日知武岡軍司馬連  
放罷令湖南安撫司差官時暫兼權先是湖南安撫司  
言武岡軍兵士蔣宗等出城劫掠事既而安撫真德秀  
論列連回糴軍糧虧損時直遂致此曹缺望故有是命  
九月十一日步司中軍統制權池州副都統張亨罷  
黜以新黃之擾亨提師救援不善布置以至奔潰為臣  
僚論列 十月三日新知永州留碩新知臨江軍任一  
鶚並與祠祿理作自陳以臣僚言碩襲貴養驕惰無學  
術一鶚懷志險心敢於妄作 二十三日道州通判謝

渠伯降一官以其監縣吏陪納赦放經總制錢及民戶  
租欠為湖南運判陳德豫論列十一月二十三日知  
英德府曹滋放罷以廣東提刑何坦言滋不知戒得肆  
意貪殘專恃酷刑鉗制眾口十七年正月五日京東  
河北節制司幹辦公事丁大忠知楚州山陽縣兼京東  
河北節制司幹辦公事周大猷並放罷內丁大忠降一  
官以大忠自入制幕惟務豐殖侵用官錢大猷身居邑  
宰不安分守干求帥司入幕兼為臣僚論列十八  
日朝散大夫趙贊夫與祠祿理作自陳安邊所準備差  
遣兼措置天賜鹽場徐沖罷黜以臣僚言贊夫留連都  
城經營差遣沖借過朝廷盜本錢以資妄用二十一

日新知英德府陳士廉與宮觀理作自陳以中書門下  
省言其昨守貴州惟務貪酷不與撰述詞頭故也 二  
十四日平海軍節度判官兼南外宗正簿陳億放罷以  
百姓論訴宗子送貧廳者億必委曲出脫百姓困辱宗  
子擬筆之詞文理紕繆為知南外宗正事善輯論列  
三月二日通判漳州方強通判新州劉察並罷黜新通  
判温州潘景慶新通判筠州盧景裴並罷新任以臣僚  
言強沉湎于酒全不事事察妄自尊大專務黷貨景慶  
武斷鄉曲占據寺觀景裴試邑東莞受賂妄作 四月  
八日江西運判趙彥紆與宮觀理作自陳通判衢州袁  
聘儒罷黜以臣僚論列彥紆司庾闕端全不事事今茲



將漕昏繆如故聘儒乘醉行刑胡亂書判 九日湖北  
運管胡杲放罷鄂州司法陳有聲降一資以吏部舉  
杲陳乞寶當越次超轉冒法罔上有聲徇情廢法更不  
取索杲真本告命點對遽與保明 點降官內外任  
慶元元年九月四日朝散大夫通判臨安府鄭魏良朝  
散郎添差通判臨安府王補之朝請郎通判紹興府徐時  
各特降一官以牒試各及二十餘人 二十一日知重  
慶府項世安放罷秘書省正字劉孟容與添差差遣以  
臣僚言安世專事唇吻一意阿附孟容以膏游故相之  
門徑自元散而況除正字 三年六月二十三日朝請  
大夫提舉江州太平興國宮鄭澆罷祠從義郎鹽驛驥

院張熙特追兩官送辰州居住以臣僚言湜昨來條奏  
三劄力詆太上傳寫誇示熙以上皇帝書錄成副本遍  
謁從官自誇敢言 五年八月七日工部尚書兼給事  
中謝源明放罷新湖北提舉呂行已罷新命大學正陳  
晦放罷與合入差遣以臣僚言源明居八位之崇妄求  
序遷傾險暴戾學問空疎晦回邪頗僻凡源明之不靖  
晦實縱吏之行已之姦貪載在白簡與源明為姻家一  
力推輓任私意以紊朝綱莫此為甚 六年四月九日  
朝請大夫妻管建寧府武夷山沖佑觀劉坦之朝散大  
夫幹辦行在諸司糧料院趙彥衡並放罷以監察御史  
林采言昔台州之民洪水蹂踐死于非命坦之為守彥

衛為倅坐視不恤今或祠福或六院公論未當嘉泰

三年正月二十一日尚書刑部員外郎姜士遜知邵武

軍蒞立言各降一官以士遜前知温州不按治知平陽

縣祝鑰立言不按治知邵武縣朱元龜各為獄事故也

十一月二十八日新知信州高似孫與祠祿新差監

都進奏院陳宋興與在部合入差遣以臣僚言似孫倅

徽凌轢守喪寓居干橈郡政宋興憑藉聲援肆行貪黷

四年十一月十三日軍器監丞程準與祠祿知澧州

游少游放罷以臣僚言準大資狂易少游行素狂恠

開禧元年七月二日新知隆興府辛弃疾太府卿兼權

兵部侍郎兼國用司參議官陳景思並與宮觀理作自

陳以臣僚言弃疾好色貪財淫刑聚剽景思薦進駟吏  
鍛鍊平民 三年十二月八日直祕閣知錢江府錢達  
玉降兩官新知贛州黃瀚降一官並放罷監都進奏院  
黃桀放罷以監察御史章燮言達玉初以用兵之議縱  
吏仇胄瀚家與田澹結為死黨朝趨仇胄之室暮造自  
強之門桀乃瀚之子故有是命 嘉定元年正月九日  
大理卿吳士遵降兩官江西運副陳景思福建提刑張  
嗣古並放罷新福建提刑曾鼎罷新任直祕閣知鎮江  
府錢廷玉落職更追三官勒停送宜州羈管以右諫議  
大夫葉時言士遵游更麾節俱無廉稱景思嗣古本無  
才望超遷驟進鼎出恭貪殘賊汙著聞廷玉迎合仇胄

縱吏兵事

二年正月十八日殿前司遊奕軍統制延

通鎮江遊奕統制郭超沿海水軍統制王益殿前司右

軍統領劉珣各追三官勒停通南安軍超漳州益漳州

珣興化軍並安置以臣僚言其敗兵之由皆超等所致

故也閏四月二十一日司農少卿趙不憊前知廣州

陳樸並放罷以臣僚言不憊交結周筠納貨貪相樸民

事不理枉無所愬十二月二十六日大理寺丞林合

將作監丞趙彥倓知温州呂友直並放罷以臣僚言合

敢為倨傲彥倓簋不飾友直縱容偽會故也既而友

直追三官四年五月二十四日國子監丞陳璧閣門

看班祇候朱楊祖知石泉陽李錫各降一官以臣僚言

璧誕謾揚祖心術儉邪錫素無操檢 六月一日新知  
金州陳煥閤門看班祇候蔡儀並放罷以臣僚言煥得  
郡安豐剝刻百姓權臣弄兵妄陳利便儀寅緣閤職干  
擾朝路 九月二十五日殿前司神勇軍統制郭仲激  
浦水軍統制范希周並放罷永不與軍中差遣以臣僚  
言仲軍兵作鬧不能彈壓希周將校受財容情隱庇  
五年三月十八日新除太常寺主簿汪必進與在外差  
遣以中書舍人范之柔言不宜真清選繳還詞頭故也  
八月九日鎮江副都統制盧彥降兩官殿前司前軍  
統制趙賢道降一官放罷以監察御史金武言彥山陽  
臨敵身實遁藏賢道前為遊奕統制侵用寄椿等庫錢

六年閏九月一日提轄雜務賣場朱拱臣前知彬州  
錢衡並放罷監尚書六部門劉棗知萬州王百拱並與  
祠祿以右正言應並言拱臣假手場屋竊取科第衡遇  
事乖張恣意妄為棗居鄉無月評居官無政績百拱天  
資庸謬世事濶疎 七年十月一日祕書丞林夢英鎮  
江都統制劉元鼎並與宮觀理作自陳以臣僚言夢英  
凡所居職畧無可犯元鼎溺于酒色軍政漫不加省  
十二年四月十三日知黃州趙伯博通判楚州陳疇新  
除大理寺丞梁丙並放罷梁丙特降兩官以臣僚言伯  
博以疾為諉郡政不修疇山陽列戍委之監州參贊乖  
謬重勞顧憂丙守山陽貽禍遽重傷國體 十三年

十二月三日房州通判陳宋烈雷州通判方世京並罷  
黜新臨安府通判崔端學罷新任以監察御史方猷論  
宋烈貪論日至無補於郡世京昨宰玉山賄政滋彰端  
學分俸娶女執政尤多 黜降實錄 慶元二年三

月二十六日臣僚言國家職吏之罰固亦不輕責罰未

幾遇赦復敎故態復作民罹其害朝廷若不忍終棄乞

專降指揮下省部將曾犯賊罪被劾降官罷任之人只

許奉祠

如監司州郡私意按劾送有司根勘委無實跡者不在此數

其有巧圖干堂

者必下吏部取索脚色部吏或敢隱匿所犯則坐以故

出入罪許人糾告賊吏奉祠約其中制以六年為闕京

官二年選人三年為任任滿注授又復如初著為定令



庶幾貪汙者知所警懼而不敢自肆從之 嘉泰三年

十一月十一日南郊赦文官員犯罪先次放罷後來結

斷止是杖笞公罪為有再得指揮仍舊放罷吏部見理

後來年月降罰名次可特與理先降指揮年月施行

二年嘉泰二年 四年正月二十九日臣僚言乞詔二

三大臣凡職吏罪狀顯然雖聖恩寬大未欲盡加之以

法官無崇庫之間惟得罪于民者永不得與親民差遣

得罪於士卒者永不得與管軍差遣已降官勒停者不

得援例收敘其或倖求冒進則臺諫給舍當任其責從

之 八月二十八日臣僚言監司郡守例有部下百司

人為之承受遇有章疏罷黜之命則稽留者劄亟遣一

介星馳以報洎罷命之至則已席捲庫藏竄易簿書雍容而去耳將以懲姦適以助姦自今以始應臣條論按監司郡守得旨放罷其有劄乞於尚書省開折房當時發黑牌急遞前去罷監司則以付置司之州罷守臣則以付州之倅仍命本處即於內引明具承受日時批回本省置籍稽考從之 嘉定四年五月二十四日臣僚言祖宗以來委任臺諫凡所抨彈率蒙俞允非徒以重臺諫乃所以尊朝廷也今部法乃有應被論罷不經取勘者半年以後即許參部授小遠一般差遣臺諫論列未數月而到部例當臺參即與之分庭講禮此何異猫鼠之同穴也凡彈劾放罷之人率以二年為限方許授

祠祿既滿然後取旨除授今乞行下吏部照累降指揮  
務在遵守廟堂進擬宮觀及差遣等人間有曾經臺論  
列今後亦乞考究所論月日施行從之 七月二十六  
日臣僚言乞明詔大臣繼今臺諫彈劾及監司守臣按  
劾官吏如有貪汙實迹取受錢數乞行追勘佑藉其或  
州縣之吏致煩臺評監司守臣失覺察之罰務在必行  
勿為具文庶幾大小之臣知所畏懼貪墨之風稍息矣  
從之 十一年八月二日臣僚言嘗聞近日彈劾之疏  
其間巧於誅求情狀百出不復縷數且繩貪之禁昭如  
日星而盜臣弗戢無他麗於罪罟者僅一二而網漏吞  
舟者皆是也臣觀年來賊吏之罰小則不過罷黜甚則

祇從鐫從降未幾受引赦原率復如故欲乞申嚴國憲  
繼自今始其有已從罷免者不必姑畀祠廩既從鐫褫  
者不必例與敘復見行竄斥者不必遽令近徙永不許  
與親民者不必與之改正已甚則施杖配之嚴刑估籍  
之法至于所該保任怨命並與寢閣斷在必行不以赦  
免自今贓汙狼籍之人監司郡守不察致為臺諫論列  
併坐其失職之罪庶使中外相維紀綱振舉大小之吏  
咸知所儆從之 十五年八月五日臣僚言今天下之  
長吏上而為監司次而為守倅縣令皆民命之所寄財  
計之所係也幸而得賢信之任之可也不幸而不賢毒  
民已甚去之惟恐不早法令之行又胡可緩乎今乃有

罷命已聞而省劄踰月不下者焉有報罷已發而復令  
候替起離者焉有已得祠祿而仍使時暫權攝者焉知  
其去而未即去則背公營私之意將益自放而無顧藉  
矣乞明考吏之法嚴傳命之期凡郡縣官吏以罪罷者  
及已得祠者並令交割與以次官即日離任如此則餘  
毒無得以復肆而郡縣根本庶可以復固從之 十七  
年正月五日臣僚言乞行下諸路帥臣監司應今後幹  
官有關許令選辟或申奏差注並不得以見任知縣縣  
令兼充其見兼職官今日下解罷如有違戾其歷過作  
縣月日並不理為考任從之臣僚言縣令撫字宅生受  
入幕刺遇時聲勢妄作威福悖理傷  
道廡所不為是縱虎兇而出押也